


吟詩錄

五







詠茶詩錄卷五

新瀉 館 機 樞卿纂輯  
鴻宮 飯山義方子教叅校

不言絕句  
焙茶隲

唐願 況

新茶已上焙舊架憂生醜旋旋續新煙  
呼兒臂寒木

詠茶詩錄卷五



和韋開州盛山茶嶺

張籍

紫芽連白蕊，初向嶺頭生。  
自看家人摘，尋常觸露行。

山泉煎茶有懷

白居易

坐酌泠泠水，看煎瑟瑟塵。  
無由持一盞，寄與愛茶人。

茶嶺

韋處厚

願渚吳商絕，蒙山蜀信稀。  
千叢目此始，含露紫茸肥。

閑夜酒醒

皮日休

醒來山月高，孤枕羣書裏。  
酒渴謾思茶，山童呼不起。

即事

司空圖



茶爽添詩句，天清瑩道心。只留鷓一隻，此外是空林。

九日與陸處士羽飲茶

僧皎然

九日山僧院東籬菊也黃，俗人多泛酒，誰解助茶香。

贈包安靜先生

宋蘓軾

皓色生甌面，堪稱雪見羞。東坡調詩腹，今夜睡應休。  
建茶三十片，不審味如何。奉贈包居士，得房戰睡魔。

茶竈

朱子

仙翁遺石竈，宛在水中央。飲罷方舟去，茶煙裊細香。



茶坂

携<sub>レ</sub>羸<sub>レ</sub>北<sub>レ</sub>嶺<sub>レ</sub>西<sub>レ</sub>采<sub>レ</sub>擷<sub>レ</sub>供<sub>レ</sub>茗<sub>レ</sub>飲<sub>レ</sub>一<sub>レ</sub>啜<sub>レ</sub>夜<sub>レ</sub>窓<sub>レ</sub>寒<sub>レ</sub>  
跣<sub>レ</sub>跌<sub>レ</sub>謝<sub>レ</sub>衾<sub>レ</sub>枕<sub>レ</sub>

詠茶詩錄卷五

詠茶詩錄卷六

新潟 館 機 樞 卿 纂 輯

鴻宮 飯山 義方 子 教 叅 校

七言絕句

與趙莒茶讌 唐 錢 起

竹下忘言對紫茶全勝羽客醉流霞塵  
心洗盡興難盡一樹蟬聲片影斜



新茶詠寄上西川相公二十三舅

大夫二十舅

盧綸

三獻蓬萊始一嘗日調金鼎閱芳香  
之玉合寸半餅寄與阿連題數行

涼風亭睡覺

裴度

飽食緩行新睡覺一甌新茗侍兒煎  
中斜倚繩床坐風送水聲來耳邊

嘗茶

劉禹錫

生拍芳叢鷹嘴芽老郎封寄謫仙家  
今宵更有湘江月照出菲菲滿盃花

洛中送韓七中丞之吳興口號五

首取一

溪中士女出芭籬溪上鴛鴦避畫旗  
何處人間似仙境春山携妓採茶時



湖州貢焙新茶

張文規

鳳輦尋春半醉回，仙娥進水御簾開。牡丹笑金鈿，動傳奏吳興。紫筍來

蕭負外寄新蜀茶 白居易

蜀茶寄到但驚新，渭水煎來始覺珍。滿甌似乳堪持翫，況是春深酒渴人。

蜀茗詞 施肩吾

越盃初盛蜀茗新，薄雲輕處攪來勻。山僧問我將何比，欲道瓊漿却畏嗔。

乞新茶 姚合

嫩綠微黃碧澗春，采時聞道斷葷辛。不將錢買將詩乞，借問山翁有幾人。

茗坡 陸希聲

二月山家穀雨天，半坡芳茗露華鮮。春



醒酒病兼消渴，惜取新芽旋摘煎。

遊池州林泉寺金碧洞

杜牧

袖拂霜林下，石稜潺湲聲斷。滿溪水携

茶，臘月遊金碧，合有文章病茂陵。

題禪院

甃船一棹百分空，十載青春不負公。今

日鬢照禪榻，畔茶煙輕颺落花風。

答友寄新茗

李羣玉

滿火芳香碾麴塵，吳甌湘水綠花新。愧

君千里分滋味，寄與春風酒渴人。

謝山泉

陸龜蒙

泱泱春泉出洞霞，石壘封寄野人家。草

堂盡日留僧坐，自向前溪摘茗芽。



煎茶

成彦雄

岳寺春深曉  
起時虎跑泉  
畔思遲遲  
蜀茶倩箇雲  
僧碾自拾枯  
松三兩枝

謝朱常侍寄貺蜀茶

崔道融

瑟瑟香塵瑟瑟泉  
驚風驟雨起爐煙  
一甌解却山中醉  
便覺身輕欲上天

與元居士青山潭飲茶

僧靈一

野泉煙火白雲間  
坐飲香茶愛此山  
巖下維舟不忍去  
青溪流水暮潺潺

陸羽茶井

宋王禹偁

甃石封苔百尺深  
試茶滋味少知音  
惟餘半夜泉中月  
留得先生一片心



烹北苑茶有懷

林逋

石碾輕飛瑟瑟塵，乳花烹出建溪春。  
世間絕品應難識，閑對茶經憶古人。  
陸羽撰茶經而不載建溪者，意其頗有遺落耳。

和原父揚州時會堂

歐陽修

憶昔嘗修守臣職，先春自採兩旗開。  
誰

知白首來，辭禁得與金鑾賜一杯。

七寶茶

梅堯臣

七物甘香雜蕊，茶浮花泛綠亂於霞。  
啜之始覺君恩重，休作尋常一等詩。

閏正月十一日呂殿丞寄新茶

曾鞏

偏得朝陽借力催，千金一錡過溪來。  
曾



坑貢後春猶早海上先嘗第一杯

寄獻新茶

種處地靈偏得日摘時春早未聞雷  
京師萬里爭先到應得慈親手自開

蹇碭翁寄新茶二首

龍焙嘗茶第一人家憐溪岸兩旗新  
肯分方錡醒衰思應恐慵眠過一春

貢時天上雙龍去闕處人間一水爭  
分得餘甘慰憔悴碾嘗終夜骨毛清

嘗新茶

麥粒收來品絕倫葵花製出樣爭新  
一杯永日醒雙眼草木英華信有神

寄茶與和甫

王安石

綠絳繅囊海上舟月團蒼潤紫煙浮  
集



英殿裏春風，晚分到并門。想麥秋

寄茶與平甫

碧月團團墮九天，封題寄與洛中仙。石樓試水宜頻啜，金谷看花莫漫煎。

遊諸佛舍一日飲醞茶七盞戲書

勤師壁

蘇軾

示病維摩元不病，在家靈運已忘家。何

須魏帝一丸藥，且盡盧仝七碗茶。

戲荅荊州王克道烹茶四首

黃庭堅

三徑雖鋤客自稀，醉鄉安穩更何之。是

翁更把春風椀，靈府清寒要作詩。

茗椀難加酒椀醇，暫時扶起藉糟人。何

須忍垢不灌足，苦學梁州陰子春。



香從靈堅壘上發，味自白石源中生。為  
公喚覺荆州夢，可待南柯一夢成。  
龍焙東風魚眼湯，箇中即是白雲鄉。更  
煎雙井蒼鷹爪，始耐落花春日長。

謝公擇舅分賜茶三首

外家新賜雙龍璧，北焙風煙天上来。明  
日蓬山破寒月，先甘和夢聽春雷。

文書滿案惟生睡，夢裏鳴鳩喚雨来。乞  
與降魔大圓鏡，真成破柱作驚雷。  
細題葉字包青箬，割取丘郎春信来。撿  
洗一春湯餅睡，亦知清夜有蚊雷。

以潞公所惠揀芽送公擇次舊韻

慶雲十六升龍樣，國老元年密賜来。披  
拂龍文射牛斗，外家英鑒似張雷。



奉同公擇作揀芽詠

赤囊歲上雙龍璧曾見前朝盛事來想  
得天香隨御所延春閣道轉輕雷

今歲官茶極妙難為賞音者戲作

兩詩用前韻

雞酥狗蠹難同味懷取君恩歸去來青  
菊湖邊尋願陸白蓮社裏覓宗雷

乳花翻椀正看開時若渴羌衝熱來知  
味者誰心已許維摩默然語如雷

奉同六舅尚書詠茶碾煎烹三首

要及新香碾一杯不應傳寶到雲來  
身粉骨方餘味莫厭聲喧萬壑雷

風爐小鼎不須催魚眼長隨蟹眼來深  
注寒泉收第一亦防枵腹爆乾雷



乳粥瓊糜露脚回色香味觸映根來睡  
魔有耳不及掩直拂繩牀過疾雷

謝人惠茶

一規蒼玉琢蜿蜒藉有佳人錦段鮮  
笑持歸淮海去為君重試大明泉

荅許覺之惠椰子茶盃

碩果不食寒林梢剖而器之如懸匏故

人相見各貧病且可烹茶當酒肴

絕句

張耒

老去不禁茶力悍兩甌破盡五更眠月

團三百真魔物欲乞當壚當酒錢

謝人送鳳團

韓駒

白髮前朝舊史官風爐煮茗暮江寒蒼  
龍不復從天下拭淚看君小鳳團



初識茶花

陳與義

伊軋籃輿不受催，湖南秋色更佳哉。  
青裙玉面初相識，九月茶花滿路開。

和荅曾敬之秘書見招能賦堂烹

茶

晁補之

玉泉銀鼎月隨輪，姑射風標兩絕塵。  
只欠何郎窗畔雪，戎葵為我作餘春。

一盃分來百越春，玉溪小暑却宜人。  
紅塵他日同回首，能賦堂中偶坐身。

李茂嘉寄茶

孫覿

蠻珍分到謫僊家，斷壁殘璋裹絳紗。  
擬把金釵候湯眼，不將白玉伴脂麻。  
送陸務觀赴七閩提舉常平茶事

周必大



暮年森芋毀茶經，應為征行不到閩。今  
有雲孫持使節，好回貢焙祀茶人。

同何元立蔡肩吾至東丁院汲泉

煮茶

陸游

雲芽近自我，看得不減紅囊頤。渚春旋  
置風爐清樾下，他年奇事屬三人。

飯罷碾茶戲書

江風吹雨暗衡門，手碾新茶破睡昏。小  
餅龍團供玉食，今年也到浣花人。

試茶

北窗高卧鼾如雷，誰遣香茶挽夢回。綠  
地毫甌雪花乳，不妨也道入閩來。

晝卧聞碾茶

小醉初消日未晡，幽牕催破紫雲腴。玉



川七盃何須爾銅碾聲中睡已無

過武連縣北柳池安國院煮泉試

日鑄願渚茶院有二泉皆甘寒

傳云唐僖宗幸蜀在道不豫至

此飲泉而愈賜名報國靈泉云

滴瀝珠璣翠壁間遭時曾得奉龍顏欄

傾甃缺無人管滿院松風晝掩關

我是江南棄苧家汲泉開品故園茶只

應碧岳蒼鷹爪可壓紅囊白雪芽貯以鑄

小餅蠟紙丹印封之願渚  
貯以紅藍紙囊皆有歲貢

舟泊吳江

楊萬里

江湖便是老生涯佳處何妨且泊家自

汲淞江橋下水垂虹亭上試新茶

晚春

戴復古



池塘渴雨蛙聲少，庭院無人燕語長。  
午枕不成春草夢，落花風靜煮茶香。

嘗茶

戴昺

自汲香泉帶落花，漫燒石鼎試新茶。  
綠陰天氣閑庭院，臥聽黃蜂報晚衙。

伯堅惠新茶

金劉著

建溪玉餅號無雙，雙井為奴日鑄降。  
忽

聽松風翻蟹眼，却疑春雪落寒江。

東坡南海烹茶圖 馮璧

講筵分賜密雲龍，春夢分明覺亦空地。  
惡九鑽黎洞，火天游兩腋，玉川風

偶成

吳激

蟹湯兔盞鬪旗槍，風雨山中枕簟涼。  
學道窮年何所得，只工掃地與焚香。



夏至

趙秉文

玉堂睡起苦思茶，別院銅輪碾露芽。紅日轉塔簾影薄，一雙蝴蝶上葵花。

題蘓東坡墨蹟 元虞集

老却看山長帽翁，茶煙輕颺鬢絲紅。風錦囊舊賜龍團在，誰為分泉落月中。

竹窗

馬臻

竹窗西日晚來明，桂子香中鶴夢清。侍立小童閑不動，蕭蕭石鼎煮茶聲。

春日行近山

黃鎮成

門外山童掃落霞，問師還只在山家。推窗引客雲邊坐，自扇風爐煮雪花。

題扇

倪瓚

聽雨樓中也自涼，偶停筆硯靜林香。君



來為煮稽山茗自洗冰甌仔細嘗

次韻曹都水

蕭閑館裏挑燈宿山罽重敷六尺牀  
隱几脩脩聽夜雨竹林煙裏煮茶香

題趙千里臨李思訓煎茶圖

于立

山風吹斷煮茶煙竹外誰驚白鶴眠寫

盡淮南招隱曲松花籬落石牀前

過山家

明高啓

流水聲中響緯車板橋春暗樹無花風  
前何處香來近隔崦人家午焙茶

陸羽烹茶圖

張以寧

閱罷茶經坐石苔惠山新汲入甕杯高  
人慣識人間味笑看江心取水來



送翰林宋先生致政歸金華

孫 蕡

紅鞋金帶荔枝花，三品詞林內相家。  
歸去山中無個事，瓦甌春水自煎茶。

送茶僧

陸 容

江南風致說僧家，石上清香竹裏茶。  
法藏名僧知更好，香烟茶暈滿袈裟。

贈歐道士賣茶

施 漸

靜守黃庭不煉丹，因貧却得一身閑。  
自看火候蒸茶熟，野鹿銜筐送下山。

閏正月十一日遊玄妙觀

文徵明

探春行覓羽人家，洞裏仙桃未著花。  
一段閑情杯酒外，山童能供竹間茶。



閑興

蒼苔綠樹野人家，手卷爐薰意自嘉。莫道客來無供設，一杯陽羨雨前茶。

盧仝煎茶圖

唐寅

千載經綸一秃翁，王公誰不仰高風。緣何坐聽添丁慄，不住山中住洛中。

客散

方太古

客散書堂秋日涼，山風吹雨葛花香。竹林藤簟茶初熟，消受山人午睡長。

白水寺

方廷璽

石徑逢僧一話間，白雲深處不知還。松陰日午茶煙起，不有客來僧更閑。

茅齋煮泉圖

王翬

小結茅齋四五椽，蕭蕭竹樹帶秋烟。呼



童掃取空階，葉好煮山厨。第二泉。

題唐伯虎烹茶圖為喻正之太守

王穉登

太守風流嗜酪奴，行春常帶煮茶圖。

圖中傲吏依稀似，紗帽籠頭對竹爐。

靈源洞口採旗槍，五馬來乘穀雨嘗。從

此端明茶譜上，又添新品綠雲香。

伏龍十里盡香風，正近吾家別墅東。他

日千旄能見訪，休將水厄笑王濛。

暮春偶過山家 吳兆

山邇處處採新茶，一道春流繞幾家。石

徑行來微有跡，不知滿地是松花。

謝人送茶 王德操

穀雨年年僧送茶，近來無復及貧家。伏



龍手製能分餉活火新泉試落霞

題書經室

僧德祥

池邊木筆花新吐窗外芭蕉葉未齊  
正是欲書三五偈煮茶香過竹林西

男 雋昆陽校字

詠茶詩錄卷六

余一日訪柳灣先生目白園居席  
上煎茶談詩先生出一小冊似余  
云是閑窓手錄歷代名人咏茶詩  
也每當博鑪石銚獨坐煎喫輒取  
諷咏以當酒席吹彈焉余乃請縮  
刻可置于茶籃中而傳同好之士

跋

詠茶詩錄



若夫花朝月夕松塢楓林境適興  
 到且讀且煎則清賞幽娛安知不  
 勝于彼艷歌醉舞哉已亥晚秋  
 鴻宮飯山義方識于神田旅寓  
 弄珠亭園方

江戸  
 發兌  
 書林

芝神明前	岡田屋嘉七
中橋廣小路	西宮彌兵衛
日本橋通三丁目	小林新兵衛
同所	山城屋佐兵衛
同壹丁目	須原屋茂兵衛
同四丁目	同佐助
淺草茅町	同伊八
本石町十軒店	同英大助
下谷御成道	同文蔵



